

Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

Gavanti, Bartolommeo

Antverpiæ, 1634

De his quæ clara voce aut secretò dicenda sunt in Missa. XVI.

urn:nbn:de:hbz:466:1-40262

De his quæ clara voce aut secretò dicenda, &c. 51

5 Missæ Votivæ, quia non correspondent Officio, si solemniter celebrentur pro re gravi, vel publica Ecclesiæ causa cum populi frequentia, dicantur post Nonam.

Duplicem habes causam, discordantiam ab Officio, & frequentiam populi; qui

dum tardiori Missæ interest, quasi suœ ieunio orationi publicæ vires addit.

De his quæ clara voce aut secretò dicenda sunt
in Missa. XVI.

I N Missa priuata clara voce dicuntur Antiphona, & Psalmus ad Introitum, Confessio, & quæ sequuntur, excepta Oratione, Aufer à nobis, & Oramus te Domine per merita Sanctorum tuorum, &c. Item Introitus, Kyrie eleison, Gloria in excelsis, Dominus vobiscum, Oremus, Flectamus genua, Leuate, Oratio, vel Orationes, Prophetiae, Epistola, Graduale, Verus, Tractus, Sequentia, Euangelium, Credo, Offertorium, Orate fratres, solum hæc duo verba, Prefatio, Nobis quoque peccatoribus, solum hæc tria verba. Item Per omnia secula seculorum, &c. cum Pater noster, Pax Domini, Agnus Dei, Domine non sum dignus, hæc quatuor verba tantum, Communio, Oratio, vel Orationes post Communionem, Humiliate capita vestra Deo, Ite missa est, vel Benedicamus Domino, vel Requiescant in pace, Benedictio, & Euangelium, In principio, vel aliud Euangelium. Alia omnia & dicuntur secreto.

Hæc eadem Burchard. Quæ hinc clara voce dicenda enumerantur, habent apertam causam, vt audiantur à populo. Speciales cuiusque causas enarrabimus, cùm de ijsdem singillatim infrà suis locis agemus.

g Dicuntur secreto.] De prece cum silentio in Missa Clem. lib. 8. Conflit. Apost. cap. 12. Concil. Laodic. can. 19. Trident. Sess. 22. can. 5.

Causæ multæ. Primo, quia secretum mysterium est, Hugo Vict. Erud. Theolog. in Specul. Eccles. cap. 7. Secundo, quia significatur in hoc Sacrificio latere Sacrificia antiqua, Amalar. libro 3. cap. 19. Tertiò, & è contra, hoc Sacrificium latuisse in antiquis, Gemmalib. 1. cap. 40. Quartò,

silentium Sacerdotis latibulum Christi indicat, Innocent. III. lib. 2. cap. 54. multoties enim latuit in vita suæ cursu Christus; vnde & in Missa multiplex silentium. Quintò, in Passione Christi discipuli non nisi occulè confitebantur Christum, S. Thom. 3. par. quest. 83. artic. 4. ad 6. Sextò, vt videatur Sacerdos loqui cum Deo, quo cum corde loquitur clamantes magis quam ore. Septimò, ne populus tædio afficiatur, neque Sacerdos longo clamore voce deficiat, Gemma lib. 1. cap. 103. Postremò, ne ipsa verba, in Sacrificio potissima, assiduitate aurium vilescant, Alcuin. de Celebrat. Missa, nam repetuntur in omni Missa, & memo-

52 Comment. in Rubr. Missalis. Pars I. Tit. XVI.

riæ facile mandarentur. quod de Canone præseriū intellige: qui sine cul- pa graui non potest altè totus legi. Ita Doctores communiter.

2 Sacerdos autem maxime curare debet, ut ea quæ clara voce dicenda sunt, distinctè & appositè proferat, non admodum festinanter, ut aduertere posse que legit, nec nimis morosè, ne audientes tædio afficiat: neque etiam voce nimis elata, ne perturbet alios, qui fortasse in eadem Ecclesia tunc temporis celebrant; neque tam submissa, ut à circumstantibus audiri non possit, sed mediocri & graui, quæ & devotionem moueat, & audientibus ita sit accommodata, ut quæ leguntur, intelligent. Quæ verò secrète dicenda sunt, ita pronuntiet, ut & ipsem se audiat, & à circumstantibus non audiatur.

Non eget commentario, sed motione. Primo, ne clara voce dicantur ea prima verba, *Memento Domine famulorum*, &c. Secundo, ne secretas alias Orationes addat Celebrans, nisi ad summum quasdam ejaculatorias, & breves, ut *Adoramus*

te Christe, &c. quas concedit, seu tolerat sacra Concilij Tridentini Congregatio in Declarati. ad Sessionem vii. secundam, dummodò præscriptæ in Missali non omittantur. Tertiò, verba consecrationis secretò dicantur.

3 In Missa solemni clara voce à Celebrante dicuntur, quando intonatur *Gloria in excelsis*, & *Credo*, *Dominus vobiscum*, *Oremus*, ante *Orationem*, & *Offertorium*, *Præfatio*, *Pater noster*, *Pax Domini*, & *Orationes post Communionem*. Alia quæ in Missa priuata dicuntur clara voce, in Missa solemni à Celebrante dicuntur submissa voce.

His adde Orationes ante Epistolam, quæ item clara voce dicuntur. Chorus autem pro Celebrante cla-

ra voce, & item Ministri supplere videntur. quem ritum refert etiam Burchardus.

De ordine genuflectendi, sedendi, & standi in Missa priuata, & solemni. XVII.

1 IN Missa priuata Sacerdos genuflectit quando legit Euangelium sancti Ioannis, In principio, ad illa verba, Et verbum caro factum est; & in Euangelio Epiphaniæ, Cùm natus esset Iesus, ad verba illa, Et procedentes adorauerunt eum. Item in Euangelio Ferie quartæ post Dominicam quartam Quadragesimæ, ad illa verba in fine, Et procedens adorauit eum. Item genuflectit Dominica Palmarum, & in Missis de Cruce ad illa verba in Epistola, In nomine Iesu omne genu flebat, &c. & quando legitur Passio, ad illa verba, expirauit, vel, emisit spiritum, ut suis locis notatur.

Item